



Innføring Helseplattforma Status veke 16

Infoskriv til tilsette i Vanylven kommune

Innhald

- 01 Overordna plan
- 02 Plan april og mai
- 03 Folka i spissen: Andreas Christian Nørve

Overordna plan

Innføringa av Helseplattforma er organisert i ulike arbeidspakkar. Kvar av desse pakkane har sin eiga startdato, som er tidspunktet vi byrjar å arbeide med dei, og ein avslutningsfrist, som er den datoen dei skal være ferdige.

På den neste sida i dokumentet vil du finne ei detaljert oversikt over fristane for arbeidspakkane. Denne oversikten er delt inn i to delar. Den øvste delen viser fristane fordelt per veke. Den nedre delen viser fristane fordelt per måned.

Som du vil merke, var det ein topp i fristane i januar. Men det er også mange fristar som kjem i april. "Go-live"-datoen, dagen Helseplattforma offisielt skal være teken i bruk, er satt til den 27. april.


Noko anna som er verdt å merke seg er at sjølv om ein frist er sett til april, er fleire av arbeidspakkane allereie i gang. Vi arbeidar ikkje berre med arbeidspakkar som har umiddelbare fristar, men også med dei som har fristar litt lenger fram i tid.




Oversikt fristar




Antall fristar per veke



Antall fristar per måned



Overordnet plan for innføring



Go Live

Arbeidspakkar med frist i april



Delaktiviteter	March				April				May
	03	10	17	24	31	07	14	21	28
Adresseregister NHN - ansvarlig for e					01.04.2024				
Brukernavn og passord KS SvarUt					01.04.2024				
Sende virksomhets sertifikat					01.04.2024				
Planlegging og gjennomføring av E v					01.04.2024				
Uttrekk av elever ved barne og ungdc					01.04.2024				
Fokus pasientoverføring					01.04.2024				
Signering av avtaler for å ta i bruk na					01.04.2024				
Innmelding av frekvens og deltakere					03.04.2024				
Eiere av arbeidslister økonomi					03.04.2024				
Planlegging av kommandosenter					05.04.2024				
NAV - Trekk ID og kreditor ID					05.04.2024				
Opplæring av e-meldingsansvarlige					05.04.2024				
Eiere av arbeidslister for Manglende p						11.04.2024			
Eiere av arbeidslister for Ventelister Ir						11.04.2024			
Test av informasjon i integrerte system							15.04.2024		
Godkjenning felles rolledokument							16.04.2024		
Sluttbrukeropplæring							19.04.2024		
Adminstrator knytter ansvarlige/ ansa							20.04.2024		
Endringsledelse og informasjon til lec								26.04.2024	
Risiko									27.04.2024

Arbeidspakkar med frist i mai

Delaktiviteter	March	April			May				June		
	24	31	07	14	21	28	05	12	19	26	02
Produksjonsverifisering Emeldinger							10.05.2024				
Gjennomføring av manuell konverteri								15.05.2024			
Program for pasientsikker arbeidsflyt									22.05.2024		



Folka i spissen: Andreas Chr. Nørve

Som kommunedirektør i Vanylven har eg fokus på å sikre både tilsette og brukarane av våre tenester dei beste dataløysingane. Når vi no tek i bruk Helseplattformen, så har vi alle våre dataløysingar som sky-løysingar og vi har samtidig fornya heile maskinparken til helse- og omsorgssektoren. Dette betyr mykje både for drifts- og datatryggleik.

Likevel er det viktigaste med Helseplattformen at vi får eit nytt og moderne samhandlingsystem mellom brukarane; fastlegane; ambulanseteneste; kommunal helseteneste og sjukehusa. For å sikre Helseplattformen som eit godt samhandlingsystem, så krev dette at tilsette nyttar Helseplattformen på ei formålstenleg måte og dette er bakgrunnen for den opplæringa som er gitt no i vinter.

Eg vil likevel understreke at denne overgangen vil vere krevjande. Det er alltid utfordringar knytt til implementering av nye system, og Helseplattformen er ikkje noko unntak. Det vil kreve tid, tilpassing og tålmodighet frå alle involverte. Men eg er overbevist om at med hardt arbeid og positiv innstilling, vil vi overvinne desse utfordringane.

Undersøkingar viser at den største årsak til pasientskader ved sjukehusa er feil legemiddelbruk og her vil Helseplattformen vere eit unikt system – som sikrar at legemiddellista til pasientane til ein kvar tid er oppdatert. Dette slik at alle instansar som legekontor, ambulanse, sjukehus, institusjon og heimetenesta har oppdatert informasjon om kva medisin pasientane skal ha. Eg trur også at den mobile eininga som skal nyttast i helse- og omsorgstenesta, både vil forenkle arbeidskvardagen til dei tilsette samt sikra at viktig informasjon om brukaren blir oppdatert i sanntid.

Brukarane våre får gjennom appen HelsaMi tilgang til prøvesvar, legemiddeloversikt, besøkssamandrag og timebestillingar – og eg vil oppmode alle om å laste ned denne appen til eige bruk. HelsaMi blir ein ny måte som brukarane og helsetenesta kan samhandle på.

Vanylven kommune vil vere den første kommunen i verden som etablerer ei samhandlingsløysing mellom alle aktørane i helsesektoren og dette i seg sjølv er eit pilotprosjekt som alle i helse- og omsorgssektoren skal vere stolte av. Tilsette i helse- og omsorgssektoren har lagt ned ein enorm og fantastisk innsats for å implementere Helseplattformen, og med hardt arbeid og positiv innstilling så vil kommunen lukkast med innføringa av Helseplattformen 27. april 2024.

Eg vil takke alle tilsette som har vore engasjert i arbeidet med å implementere Helseplattformen, med arbeidet som er lagt ned - og gratulere alle med at vi lukkast å innføre Helseplattformen samtidig som vi har drifta våre tenester. Vi må også takke legane og alle dei andre tilsette ved vårt legekontor, som var modig og gjekk først med å ta i bruk Helseplattformen gjennom pilotane for fastlegane og legevakta.

